

隋樹森編

全元散曲

下
冊

中華書局

隋樹森編

全元散曲

下冊

中華書局

邦 哲

生平不詳。姓名及曲僅見何夢華藏鈔本太平樂府。

小令

〔雙調〕壽陽曲

思舊

初相見。意思濃。兩下愛衾枕和同。銷金帳春色溶溶。雲雨期真疊疊重重。何夢華鈔本

太平樂府二

誰知道。天不容。兩三年間拋鸞拆鳳。苦多情朝思夜夢。害相思沉沉病重。何夢華鈔本

太平樂府二

爾在東。我在西。陽臺夢隔斷山溪。孤雁唳夜半月淒淒。再相逢此生莫期。何夢華鈔本

太平樂府二

李伯瞻

伯瞻號熙怡。據吳澄吳文正公集知即李杞。詳見元曲家考略。

小令

〔雙調〕殿前歡

省悟

去來兮。黃花爛熳滿東籬。田園成趣知閑貴。今是前非。失迷途尚可追。回頭易。
好整理閑活計。團樂燈花。稚子山妻。太平樂府一

去來兮。黃雞啄黍正秋肥。尋常老瓦盆邊醉。不記東西。教山童替說知。權休罪。
老弟兄行都申意。今朝溷擾。來日回席。太平樂府一

元刊本權休罪作權休醉。茲從元刊八卷本瞿本。瞿本申作道。

去來兮。青山邀我怪來遲。從他傀儡棚中戲。舉目揚眉。欠排場占幾回。癡兒輩。

參不透其中意。止不過張公喫酒。李老如泥。

太平樂府一

瞿本末句作李公醉泥。茲從元刊本等。

到閑中。閑中何必問窮通。杜鵑啼破南柯夢。往事成空。對青山酒一鍾。琴三弄。

此樂和誰共。清風伴我。我伴清風。

太平樂府一

駕扁舟。雲帆百尺洞庭秋。黃柑萬顆霜初透。綠蟻香浮。閑來飲數甌。醉夢醒時候。

月色明如晝。白蘋渡口。紅蓼灘頭。

太平樂府一

明大字本此首之前有題目閑詠所懷四字。○瞿本洞庭秋作洞賓遊。

好閑居。百年先過四旬餘。浮生待足何時足。早賦歸歟。莫遑遑盼仕途。忙回步。

休直待年華暮。功名未了。了後何如。

太平樂府一

醉醺醺。無何鄉裏好潛身。閑愁心上消磨盡。爛熳天真。賢愚有幾人。君休問。親

曾見漁樵論。風流伯倫。憔悴靈均。

太平樂府一

殘曲

〔雙調〕殿前歡

水雲鄉。一鉤香餌釣斜陽。眉尖不掛閑思想。太平樂府一

此首原有闕文。明大字本全刪去。

楊舜臣

生平不詳。羅本陽春白雪原作此名。案。北詞廣正譜仙呂混江龍第七格。即此套之曲。而所注撰人爲湯舜卿。廣正譜係刻本。殊少譌字。似可據。

套數

〔仙呂〕點絳脣

慢馬

四只籠蹄。一條烏尾。駝垂地。搭上鞍騎。二三百棍行三四里。

〔混江龍〕怎做的追風駿驥。再生不敢到潭溪。幾曾見卷毛赤兔。凹面烏騅。美良澗怎敵胡敬德。虎牢關難戰莽張飛。能食水草。不會奔馳。倦嘶喊。懶駮驟。曾幾見西湖沽酒樓前繫。怎消得綉氈蒙雨。錦帳遮泥。

〔後庭花煞〕嘆梁園芳草萎。怕藍關瑞雪飛。爲愛背山咏。任教杜宇啼。空吃得似水

牛肥。你可甚日行千里。報主人恩。何日把韁垂。

羅本陽春白雪後集卷一

(點絳脣)廣正譜混江龍第七格所引此調。首句作四隻籠蹄。案。羅本原作鹿。此套既詠慢馬。不應云鹿蹄。鹿行固速也。(混江龍)羅本會原誤爲祭。茲從廣正譜。廣正譜驥作騎。卷作捲。胡作鬚。羅本能食原作能入。據廣正譜改。

王大學士

生平不詳。

套數

〔仙呂〕點絳脣

探卷抽籤。看書學劍。皆是虛詔。指望待折桂攀蟾。誰承望無憑驗。

〔混江龍〕少年風欠。老來贏得病懨懨。自忖身居村野。幾時曾再想閭閻。四面土牆缺處補。二椽茅屋破時添。且把時光漸。落一個身心自在。煞強如名利拘箝。

〔油葫蘆〕村院裏閑游情正忒。將農可檢。見幾個牧童兒雜耍可觀瞻。一個扮老先生傷撇撇衝寒臉。一個做小學士舌刺刺全胡念。一個射天指日月到處裏拿。一個撈藏模模一地裏潛。一個拖着竹掃帚學開店。一個推着木古魯賣油鹽。

〔天下樂〕一個黃桑葉拈將來額上粘。一個那裏磨鎌。一個將榆樹舔。一個樹梢頭啣歌不怕險。一個吊小鬼的灰抹眉。一個扮判官的墨畫了髯。一個扮牛王着土搶臉。

〔後庭花〕一個調灰驢的將脚面閃。一個學相撲的手腕來搨。一個革刃將葫瓜割。一個棘針將酸棗簽。一個把鵲兒拈。一個手拖着蓆片。一個瓦碓碓袞罷合拈。一個泥窩窩粹破合添。

〔柳葉兒〕一個把綠蓑衣披苦。一個將布留兒颯。一味的掀擗。一個撮金錢手拈着衣襟驗。一個尋方門任誰嫌。一個挑蜂窠不離房檐。

〔尾〕一個拾磚塊把答兒尖颯。一個尋瓦片把拖車兒拈。一個倒騎黃牛緊蹠。一個碓槥上學將紗鈔檢。一個學賣卦將淚眼偷淹。一個學跛懶痴賺。一個把嫩草葉拾將來把布衫兒染。一個搗泔飄的休諂。一個敲銅盆的手情。一個向柳陰中學舞一張楸。羅

本陽春白雪後集卷一

〔仙呂〕點絳脣

豐稔年華。酒旗斜插。茅檐下。小橋流水人家。一帶山如畫。

〔混江龍〕桔槔閑掛。呼童汲水旋烹茶。柔荏荏苒。古柏槎牙。霧鎖草橋三四橫。烟籠茅舍數十家。崗盤曲吠兜兜答。鶯遷喬木丘篆。一個鷗鷺水面。雁落平沙。喧檐宿雀。啼樹栖鴉。柴扉吠犬。鼓吹鳴蛙。農家鸚鵡洲。不入麒麟畫。百姓每謳歌鼓腹。

一弄兒笑語喧嘩。

〔油葫蘆〕剛兒一百個兒童刀刀厥厥的要。更那堪景物佳。一個將堯民歌亂唱的令兒差。一個正彪撲鞦韆擂鼓無高下。一個支周知掙羞管吹難收煞。一個水盆裏擊着料瓜。一個拖床上拍着布瓦。一個一張楸舞得了千斤乍。一個學舞鬥蝦蟆。

〔天下樂〕一個道一陣黃風一陣沙。一個天生丑勢煞。一個無店三碌軸上閑坐衙。一個將斤斗番。一個將背拋打。一個響撲兒學咯牙。

〔那吒令〕一個向瓜田裏坐樹亂扯。一個向棗樹上胡彪亂打。一個向古墓上番磚弄瓦。一個扯着衣衫。一個揪住棍把。一個播土揚沙。

〔鵲踏枝〕一個眼麻花。一個手支沙。一個淺水渦裏摸蟹撈蝦。一個見麒麟打煞。一個舞着唱着匾擔禾叉。

〔寄生草〕一個擎着山鷓。一個架着老鴉。一個向柳陰中笑把人頭畫。一個向桑園裏學揭龜兒卦。一個向牆匡裏引的芒郎罵。一個跳灰驢大鬧麥場頭。一個踏竹馬偃卧在葫蘆架。

〔金盞兒〕一個叫丫丫。一個笑呷呷。一個棘斜混倒上樹千般耍。一個山聲野調學唱

攪箏琶。一個鬪巨子搶了嘴問。一個豎直立的磕了門牙。一個無人處尋豆角。一個背地裏咽生瓜。

〔村裏逐鼓〕一個放頑撒潑。一個唱歌廝罵。一個村村捧捧牛撒檝喬畫。一個狗打肝腌臢相欠欠答答。一個彈的擠。一個舞的蝦。一個唱的啞。一個水底渾如納瓜。

〔元和令〕一個舞喬捉蛇呆木答。一個舞屎裏蛆的法刀把。一個跳百索攢背兒仰刺叉。一個一個兒窩的眼又瞎。一個將紙鴉兒放起盼的人眼睛花。一個遞撇牛的沒亂殺。

〔上馬嬌〕一個村。一個又沙。一個丑嘴臉特胡沙。一個將花桑樹紐捏搬調話。一個打和的差。一個不刺着簸箕撥琵琶。

〔勝葫蘆〕一個恐驚林外野人家。一個道休廝鬧。一個道嗟牙。一個賽牛王香紙方燒罷。一個將磁甌瓦鉢。一個不門清光滑辣。一個沒鼻子喃渾鞋。

〔後庭花〕一個掬蝙蝠踏破瓦。一個豎牽牛扯了尾拔。一個摸鴛鴦掀番蓋。一個打班鳩的擊碎礮。一個岸邊打滑擦。一個頭尖眼大。一個莎崗上撲馬扎。一個遊泥蚌蛤蜊。一個柳堤邊釣水扎。一個沙湍上燒黃鱔。一個膊項上瘦疙疸。一個唇缺丑勢煞。一個磨賺的特刺查。一個做生活的不艱恰。一個覓虱子頭上掐。一個編蒲笠特抹答。

一個鞭牛叱咤。

〔青哥兒〕一個牛斤。一個謊詐。一個光答答又無頭髮。一個濛鬆雨裏種芝蔴。一個兜答。一個奸滑。一個交加。一個皺查。這一坐喬民鬧交加。定害的爺娘罵。

〔尾〕一個潛立在晚風前。一個暗約在斜陽下。一個見廝抵拽着捧打。一個戀汀洲蓼岸蘆花。一個映着蒹葭。一個收拾釣罷魚舫。一個笑指疎籬噪晚鴉。一個將綠簑斜掛。一個倒騎牛背入烟霞。

羅本陽春白雪後集卷一

楊朝英

朝英號澹齋。青城人。選輯時賢所作小令套數爲陽春白雪及太平樂府兩書。元人散曲多賴其書以傳。楊維禎作周月湖今樂府序。以澹齋與關漢卿。庾吉甫。盧疎齋並論。謂四人之今樂府最爲奇巧。

小令

〔正宮〕叨叨令

嘆世

想他腰金衣紫青雲路。笑俺燒丹煉藥修行處。俺笑他封妻蔭子叨天祿。不如我逍遙散誕茅庵住。倒大來快活也末哥。倒大來快活也末哥。那裏也龍韜虎略擎天柱。太平

樂府一

元刊本不如下無我字。茲從元刊八卷本瞿本明大字本何鈔本。

昨日蒼鷹黃犬齊飛放。今日單鞭羸馬江南喪。他待學欺君罔上曹丞相。不如俺葛巾

漉酒陶元亮。倒大來快活也末哥。倒大來快活也末哥。漁翁把盞樵夫唱。太平樂府一

元刊八卷本齊飛作能飛。今日作今朝。瞿本俱同。

〔中呂〕陽春曲

浮雲薄處腫朧日。白鳥明邊隱約山。粧樓倚遍泪空彈。凝望眼。君去幾時還。太平樂府

四 樂府羣珠一

樂府羣珠題作閨思。

沈腰易瘦衣寬褪。潘鬢新皤鏡怕看。月明千里報平安。音信慳。歸夢繞巫山。太平樂府

四 樂府羣珠一

元刊八卷本瞿本太平樂府報平安作想平安。羣珠同。茲從元刊太平樂府。

〔商調〕梧葉兒

客中聞雨

簷頭溜。窗外聲。直響到天明。滴得人心碎。聒得人夢怎成。夜雨好無情。不道我

愁人怕聽。太平樂府五

戲賈觀音奴

龐兒俊。更喜恰。堪詠又堪誇。得空便處風流話。没人處再敢麼。救苦難俏冤家。
有吳道子應難畫他。太平樂府五

〔越調〕小桃紅

題寫韻軒

當年相遇月明中。一見情緣重。誰想仙凡隔春夢。杳無踪。凌風跨虎歸仙洞。今人不見。天孫標致。依舊笑春風。
陽春白雪前集五

〔雙調〕得勝令

日日醉紅樓。歸來五更頭。問著諸般諱。揪搨不害羞。敲頭。敢設箇牙疼咒。揪揪。揪得來不待揪。
殘元本陽春白雪二 鈔本陽春白雪前集三

庭院正無聊。單枕擁鮫綃。細雨和愁種。孤燈帶夢燒。難熬。促織兒窗前叫。焦焦。

焦得來不待焦。殘元本陽春白雪二 鈔本陽春白雪前集三

花影下重簷。沉烟裊綉簾。人去青鸞杳。春嬌酒病厭。眉尖。常鎖傷春怨。忺忺。

忺得來不待忺。殘元本陽春白雪二 鈔本陽春白雪前集三 中原音韻序

殘元本陽春白雪裊作衰。茲從鈔本陽春白雪及中原音韻序。音韻首句下作壓。

一笑自生嬌。春風蘭麝飄。夜月紅牙按。青螺雙鳳高。妖嬈。那裏有惹多俏。囁囁。

囁得來不待囁。殘元本陽春白雪二 鈔本陽春白雪前集三

惹字及末一囁字。殘元本皆模糊。

〔雙調〕清江引

秋深最好是楓樹葉。染透猩猩血。風釀楚天秋。霜浸吳江月。明日落紅多去也。太平

樂府二

〔雙調〕水仙子

依山傍水蓋茅齋。旋買奇花賃地栽。深耕淺種無災害。學劉伶死便埋。促光陰曉角